

10067

=79



皇朝文獻通考卷一百三十六

帝王禮考

十二

巡幸

臣等謹按四巡之典載在虞書時邁之歌列於周  
頌所以觀民設教展義示度典至重也漢唐以後  
偶有巡幸之文鮮聞勤民之實我

列聖相承以無逸作所為

家法



皇朝文獻通考卷一百三十六

聖祖仁皇帝翠華臨幸察吏治恤民隱相度河防講求水利若山東山西若河南陝西若江南浙江

宸遊所經父老諷息數十年如一日以至塞垣清暑畿輔水圍歲每舉行凡以體乾健而敷兌澤

聖謨深遠誠足為萬世法我

皇上繩

武紹聞自強不息

御極五十年來舉行時巡之典詣

盛京

幸齊魯禮嵩洛歷三晉而東南吳越

車駕特六至焉所過整飭官吏加惠黎元嶽瀆懷柔神

人胥洽至於河隄海塘

躬親相度指示機宜以為一勞永逸之計前者敬遵

聖祖仁皇帝前後省方恭侍

太皇太后鉅典祇奉

皇太后

聖母親掖

安輿錫類推恩罔不周溥仰見

天家孝德之隆

聖母尊養之備遠邇欣愉殊音同聲則又稽諸往牒罕有  
倫比者也謹彙次歷年

巡典具著於篇其蠲租免賦勸學造士優老恤刑諸大  
典則分於國用學校刑考茲不載若夫

盛京之地王業肇基

聖祖仁皇帝凡三巡我

皇上已四詣報本追遠愷澤覃敷則謹載於  
謁

陵門至於

巡幸近畿行慶施惠諏咨民莫一歲之間

六飛屢駕其詳見於

起居注編年紀月有舉必書茲惟恭載最初一次嗣  
後事同一例者不備書

天聰三年三月

上南巡閱視邊境城垣頽壞者

車駕次牛莊命築新城高二丈二尺有奇加雉堞

賜督工諸臣宴次海州有漢民夫婦俱百餘歲子年七十

有三

召見令守臣善視之

九年三月

上巡幸盛京北山道經都統楞額禮墓下馬以金盃酌酒

奠而痛哭之

崇德七年五月

上閱草場渡潦河

閱視牛馬羣

順治三年十月定

行幸迎送禮儀所經過地方文官知縣以上武官遊擊

以上於本境道右百步外跪迎送地方官百里內

者來朝百里外者免

八年四月定諸王文武羣臣扈從及接

駕送

駕儀凡

大駕行幸扈從及留京和碩親王多羅郡王多羅貝勒

各具吉服齊集朝房候

駕出宮於

午門內分兩翼序立

駕至金水橋俱跪候

駕過隨出留京固山貝子以下文武各官及隨行固山

貝子公都統各具吉服於

午門外常朝處分兩翼序立

駕出午門俱跪候

駕過其留京王以下都統以上俱隨行候

旨方回扈從護軍統領副都統叅領等官各率本旗兵

丁於

駕出門外排列跪候

駕過各照旗按隊隨行

駕還宮諸王貝勒各具朝服於

午門外角樓邊分兩翼序立固山貝子以下及文武

各官各具朝服於

午門外常朝處序立

駕至王以下皆跪候

駕過諸王貝勒隨入

午門於內金水橋前分兩翼序立

駕入官乃退凡諸王貝勒貝子公等扈從俱分翼隨  
駕行

召問則勒馬稍後欠身恭對赴

駐蹕所俱於百步外下馬扈從大臣官員候

御前函簿及諸王貝勒貝子公護衛過畢分翼隨行若

召問從旁入勒馬稍後欠身恭對赴

駐蹕所於二百步外下馬是月

上行幸塞外禮部奏言

聖駕出都行幸地方官例進御膳等物得

旨進獻禮物出自民間有司以此進奉於禮不合今後永  
不許進

十六年十一月

上巡幸近畿過昌平州遣官分祭明諸陵

親至明崇禎帝陵前酌酒遣學士麻勒吉奠明太監王承

恩墓

諭有司明代諸陵樹木永禁樵采

康熙七年九月

諭吏部兵部朕頃以秋冬農隙講武之時欲一往邊外閱

視不久即還今覽諸臣前後各疏稱今歲災變甚多不宜出邊以致兵民困苦朕思諸臣抒陳忠悃直言進諫深為可嘉已允所請停止邊外之行以後國家緊要重大事情如有未當務將所見直陳朕不憚更改

八年十月

諭戶部朕巡歷所至凡御用器物皆係所司由京城供辦毫無取於地方除內廐之馬不用飼秣即部撥馬匹所需芻豆亦屬無多向聞地方官指稱御用私派民間預為儲備既不銷算又不還民貪污官吏侵肥入已苦累

小民重違法紀自後務加嚴禁倘有仍前借端科派者所司官嚴察參奏重懲如匿不上聞事發一併治罪

十一年正月

上奉曰

太皇太后幸赤城湯泉先期

諭有司動支帑銀前往修理道路毋得擾民

啟暉之日

上隨

太皇太后輦步行至神武門乘馬路出南口遣內大臣祭

明代諸陵過八達嶺

上自山麓下馬扶

太皇太后輦

太皇太后念

上步行勞苦諭乘馬

上奏曰此處道險必扶御輦於心始安至坦道始乘馬過

長安嶺亦如之

駐東山廟地少水是日山泉忽湧成河人馬皆足飲及至

湯泉每日詣

太皇太后行宮問

安以耕藉屆期回京行禮禮畢復

幸湯泉給換班兵丁口糧銀兩

回鑾日

上扶

太皇太后輦行數步方乘馬行過長安嶺大雨

上下馬步行扶

輦至嶺上

太皇太后欲少憩

上即趨行命取涼棚親視安置及下嶺仍步行如初過人

達嶺亦如初及回京至神武門下馬扶

太皇太后輦入宮隨詣

太皇太后宮問

安

臣等謹按天子之德莫先於孝

聖祖仁皇帝孝事

兩宮恭奉

太皇太后詣湯泉步行扶輦嗣後奉

仁憲皇太后南巡覽江山之名勝士庶之歡抃喜動

慈顏中外傳為盛事我

皇上敬承

家法時邁所至恭奉

聖母皇太后安輿以展養志之誠仰見我

朝

聖母慈徽衍慶

一人推恩錫類之隆軌前後輝耀伊古以來所未有也

十六年九月

上巡視沿邊內外諸蒙古王公等來朝貢駝馬調喀喇沁  
杜楞郡王扎什鎮國公烏忒巴喇一等塔布囊西  
達等率兵丁一千五百名來爲嚮導各賜衣帽帶  
鞞白金緞布有差

二十年九月

上巡幸近畿

召霸州知州吳鑑保定縣知縣李文英詢以地方被災若  
何民生若何鑑等奏畢

上曰知州知縣最爲親民之官必忠勤守法愛惜百姓方

爲稱職若肆其貪殘貽害地方國家自有定法也直隸  
巡撫于成龍入見

上密詢百姓生業地方事宜

賜以御衣

臣等謹按自是歲以後

聖祖巡省畿甸歲恒舉行以肄習水圍循視河隄觀風問  
俗勤恤民隱於輦轂之下尤加意焉一遊一豫無  
非事者頌聲之作洵與夏諺同軌矣

二十二年二月

上幸五臺山

諭巡撫穆爾賽等曰五臺繁峙靜樂崞縣等處地瘠民貧爾等既膺簡用必持已廉潔恪共職業務期與利害除使民生各得其所不然罪有所歸矣六月

上奉

太皇太后出古北口避暑閏六月

幸興安拜察地方

召科爾沁達爾漢親王額駙班第阿魯科爾沁多羅郡王額駙色楞翁牛特多羅杜楞郡王畢禮袞達賴喀

喇沁多羅杜楞郡王扎什及公台吉官兵等

諭曰人生以道理爲重人爲情欲所牽恣意妄爲以致喪身者皆由不明道理故耳朕見其無知陷罪甚爲憫惻卽今阿魯科爾沁翁牛特二旗盜賊甚衆爲盜賊而致富者能有幾人身受惡名被獲則死凡貧富皆由天命違理妄求能必得乎爾等各遵法守分有牲畜者擇水草善地畜牧能耕田者勤於耕種則各得生理天亦佑之倘有貧困至極無以聊生者該管之主宜加撫恤使之得所坐視其迫於饑寒以致離散爾等之心何安朕

本內外一視並無分別爾外國遇年歲荒歉朕卽運糧米賑濟或有困乏卽賜牲畜緞疋無非慮爾失所之意况此番巡幸爾等或有過犯朕並不執法治罪且頻加賞賚優待爾等於此可見嗣後爾等宜遵守教諭革除惡習以副朕好生之意及

回鑾日復

諭八旗護軍統領等毅者生民之命一歲不登則一歲乏食今正秋收之時田穀未獲向恐擅放馬匹蹂踐禾苗屢降明諭傳飭今觀隨從人等倘有未遵法令蹂踐民

田者爾等各嚴緝以聞

臣等謹按此

巡幸熱河避暑之始自是每歲夏月

啟鑾至秋則舉獮狩之典仰見

聖祖健行不息詰戎殺遠之

家法超越往古矣九月

上奉

太皇太后幸五臺山

上過涿州以長城嶺山徑險峻先往親視所修道路命裕

皇朝文獻通考 卷三百三十六  
親王福全恭親王常寧隨

太皇太后駕行

諭扈從各官凡經過地方不許隨從人等借名市物擾害小民犯者并其主罪之至曲陽縣以行近五臺戒扈從人等勿射生

太皇太后駕至長城嶺

上侍左右親督校尉及隨從人等前後扶行歷嶺路數盤山勢巉崿險隘殊甚

太皇太后諭曰嶺路實險予及此而止積誠已盡五臺諸

寺應行虔禮者皇帝代我行之猶我親詣也

上下馬受

命躬送

鑾輿還龍泉關仍命裕親王福全扈行

上贍禮五臺諸寺發白金三百兩綿三百斤命有司分給所過地方貧民

二十三年九月

上東巡先是吏科給事中王承祖疏請巡狩燔柴泰山卽過孔林觀禮器下九卿議應如所奏從之遂

諭戶部曰朕軫念蒼生勤求治理邇年以來於畿輔郡縣時行厯覽補助兼施今俯允廷議諏吉東巡正欲體察民情周知吏治一切沿途供用皆令在京有司儲備毫不取之民間猶恐地方官役不能深體朕懷借端支應妄行濫取今特加申飭如有悖旨私徵一經發覺定行從重治罪更念此番巡厯原以撫卹編氓問俗觀風於閭閻休戚務期洞曉凡經過地方百姓須各安生業照常寧處毋得遷移遠避反滋擾累爾部卽行令該地方徧令曉諭知之前期

頒詔天下曰帝王誕膺景命統御萬邦道重觀民政先求莫是以虞廷肆覲肇舉省方周室懷柔式歌時邁詩書具在典制丕昭朕仰荷

天庥纘承

祖烈撫茲兆庶期底時雍夙夜孜孜懋求治理以富以教靡敢怠違猶慮部屋艱難罔由上達故於直隸郡縣周覽巡行勤施補助更念山左等處土宜俗尚不加循習曷克周知矧歲逢甲子世際昇平聿圖泰運之恒新在措芸生於豫大乘時命駕咨彼民依但樂利祇慰夫一

方而德澤未敷於九有朕心歉焉用是特昭公普以宏仁庶奏誠和之盛治於戲時臻熙皞彌隆寬卹之恩戶樂清寧丕篤綿長之慶布告天下咸使聞知

車駕發京師日鹵簿大駕照常陳設王以下文武各官跪送如常儀經過百里以內地方官率本地鄉紳士民迎於十里之外本地鎮守滿漢官軍各整隊伍亦於十里外恭迎至山東泰安州

親詣

嶽廟祀

泰山之神遂登泰山絕頂侍臣請往觀捨身崖

上曰愚民無知惑於妄誕之說以捨身為孝不知身體髮膚受之父母不敢毀傷故曾子有臨深履薄之懼且父母愛子惟疾之憂子既捨身不能奉養父母是不孝也此等事宜曉諭嚴禁使百姓不為習俗所誤觀之何為

至桃源縣

閱黃河北岸諸險工指授河臣方畧

上曰擊隄夫作苦駐轡久之親加獎勞復

諭河臣曰隄上工役勞苦倍常所給工食為數無幾恐不

肖官役從中侵蝕當使人人得沾實惠渡黃河遣官祭  
河神

上臨視天妃閘水勢湍急令河臣改爲草壩另設七里太平二閘以分水勢

御舟過高郵湖見民間田廬多在水中惻然念之因登岸  
循行隄畔十餘里

召耆老詳問被災之由復

諭督臣曰朕此行原欲訪問民間疾苦凡地方利弊必設  
法興除使之各得其所昔堯憂一夫之不獲況目覩此

方被水情形豈可不爲拯濟耶渡江乘沙船風浪恬靜  
舟行甚速

上顧侍臣曰自兵興以來恢復岳州長沙多得此船之力  
今海寓承平昔時戰艦僅供巡幸渡江之用然安當思  
危治當思亂朕乘此舟未嘗不念艱難用武之時非以  
觀遊爲樂也至蘇州府

上謂侍臣曰向聞吳閫繁盛今觀其土風大畧尚虛華安  
佚樂逐末者衆力田者寡遂至家鮮蓋藏人情澆薄爲  
政者當使之去奢返朴事事務本庶幾家給人足可挽

皇朝文獻通考 卷一百三十六  
頽風漸摩既久自有熙皞氣象至江寧府遣官祭

明太祖陵

御製祝文

上仍親詣

明太祖陵奠酒是日過明故宫慨然久之

幸江寧教場令將軍副都統總兵等官校射

上親射右發五矢五中左發五矢四中士民觀者咸歡呼

動地

上將回鑾地方文武各員及紳士民數十萬跪送

諭之曰朕向聞江南財賦之地今觀市鎮通衢似覺充盈  
其鄉村之饒人情之朴不及北方皆因粉飾奢華所致  
爾等大小有司當潔已愛民奉公守法激濁揚清體恤  
民隱副朕老安少懷之至意至江都縣

命吏部尚書伊桑阿等往視海口議疏導之法至淮安府  
閱高家堰及黃河南岸諸險工至宿遷縣

閱隄工居民老幼數千人跪迎隄畔其年老貧寒者各賜

史亦白金

駕至曲阜縣親詣

先師廟致祭特行三跪九叩禮遣官祭啟聖公皆

御製祝文禮成

上御詩禮堂選孔氏子弟二人進講經書周覽

先聖遺蹟復詣

孔林酌酒以

御前曲柄黃蓋留設

先師廟廷遣恭親王常寧及禮部尚書介山祭

元聖周公廟

御製祝文

二十八年正月

上南巡先期

諭吏部戶部兵部工部朕統莅寰宇二十八年於茲早作

夜思勤求治理務恤黎庶永圖乂安如黃運兩河遠道

民生攸係朕日切心勞比年工役雖漸有緒而應修應

塞議論紛紜曩歲巡幸曾允淮揚士民所請疏濬下河

前已興工尚稽底績屢經廷議請朕親行閱視今特諏

吉南巡躬歷河道兼欲觀覽民情周知吏治所至沿途

供億皆令在京所司儲侍一切不取之民間卽有日用

皇朝文獻通考 卷三百三十六  
應需該衙門於所在地方照市估平買不許錙銖抑勒  
小民猶恐地方官吏不能悉體朕懷借名科派供應今  
特頒諭嚴飭如有悖旨借端私徵者察實卽以軍法從  
事地方文武大小官員不許與扈從官員指稱交戚輒  
通餽遺違者並以軍法從事其扈從大小官員及隨往  
僚役如有生事擾民者一併從重治罪朕茲巡省原以  
軫恤編氓咨諏風俗凡經過地方百姓各安生業務令  
塵無廢市隴不輟耕毋得倉皇驚避輒滋煩擾其軍民  
人等懷奸挾詐希逞私憤擅於駐蹕處所瀆行告訐者

一槩嚴禁倘有妄控除所告事不與准理外仍嚴加治  
罪爾部卽傳諭各該督撫備行曉諭以副朕惠愛元元  
至意

駕過縣民有進嘉禾一莖雙穗者

諭侍臣曰自古聖王不貴金玉而貴五穀穀者民之命也  
朕甚寶之至山東

躬率文武諸臣望祭

岱宗行禮至江南界

閱視中河親坐隄上出河圖指示諸臣至揚州府

諭江浙督撫諸臣曰朕省察黎庶疾苦兼閱河工巡幸江南便道至浙觀方問俗簡約儀衛鹵簿不設扈從者僅三百餘人頃經維揚民間結綵歡迎盈衢溢巷雖出恭敬愛戴之忱恐至稍損物力甚爲惜之朕視宇內編氓皆吾赤子惟使比戶豐饒卽不張結綵幔朕心亦所嘉悅前途經歷諸郡邑宜體朕意悉爲停止又見百姓老幼男婦奔走雜遝瞻望恐後未免誼譁擁塞念此行原以爲民不嚴警蹕但人衆無所區別高崖水次或有傾跌之虞一夫不獲其所足軫朕懷此後止於夾道跪迎

勿得紊亂追趨致有諸患自蘇州抵杭州府

諭扈從部院諸大臣曰朕稽古省方咨求治理閱視河道期底平成凡有利於民生必令羣沾實惠念政治所先在崇文教江南浙江爲人文萃集之地入學額數應酌量加增永昭宏獎江寧鎮江杭州駐防滿洲漢軍兵丁鎮守要地久厯歲時深用軫念應加恩賚以彰優恤自南巡以來所經過地方官員除八法處分及列欵糾劾外凡因公墜悞降級留任者俱准與開復降級調用者著帶所降之級留任其經過地方現在監禁人犯除十

惡及詔款所不赦等罪並官員犯贓者不宥外其餘自康熙二十八年二月十一日以前死罪及軍流徒罪以下已結未結俱准寬釋以示朕赦罪宥過之意備辦船隻地方各官効力勤勞著該督撫會同奉差官員確查具題各加一級繹夫供役勞苦亦著該督撫察明人數量給恩賞朕厘念民依特蠲租賦總期實德潤澤蒼生近見民間有建立碑亭稱頌德意者雖出羣黎感戴之誠但恐各郡皆然未免致損民力誠使閭閻殷阜則裨益良多碑亭何與焉嗣後亦宜停止江浙錢糧既經蠲

豁猶慮有不肖有司借端詞訟朘削民生著該督撫嚴行禁飭至各處權關原有則例朕舟行所至諮訪過關商民每不難於輸納額稅而以稽留關次不能速過爲苦權關官員理宜遵奉屢頒諭旨恤商惠民豈可反貽之累自今應力除積弊凡商民抵關交納正稅卽與放行毋得稽留苛勒以至苦累朕蚤夜孜孜惟冀官吏軍民士農商賈無一人不獲其所故於民生吏治圖維區畫務極周詳爾等可卽傳諭俾一體奉行稱朕意焉賜扈從王大臣侍衛及部院諸臣銀幣渡錢塘江至會稽

親詣

禹陵致祭

御撰祭文祭文內書

御名禮成還錢塘

閱視官兵騎射以杭州將軍郭丕等請留駐一日

諭諸臣曰朕茲行特爲閱視河道諮訪閭閻風俗因禹陵在邇躬往致祭歸時便道過西湖聊寓目非爲遊觀也又

諭扈從諸大臣曰朕巡省民生風俗行次浙江見省

會兵民俱相和輯生齒蕃庶閭里乂安但觀民間習尚好爲爭訟爭訟一興則不肖有司因緣詐索勢所必至縱或官員無所腴削而胥吏作奸究不能無私行勒取之弊小民之牽連苦累者多矣夫微忿不捐構成嫌怨小則耗損物力大則傾墮身家其爲蠹害不可勝言矜此愚民允宜深戒地方大小衙門官員亦應各簡詞訟勸導閭閻俾守分息訟共安生業又夙聞東南巨商大賈號稱輻輳今朕巡歷吳越州郡察其市肆貿遷多係晉省之人而土著者益寡良由晉風多儉積累易饒南

人習俗奢靡家無儲蓄目前經營僅供朝夕一遇水旱不登則民生將至坐困苟不變易陋俗何以致家給人足之風爾等可傳諭將軍總督等令家喻戶曉務使敦本興讓崇儉黜浮兵民日益協和風俗日益淳樸詞訟日益減少積儲日益豐盈則教治化行朕心實嘉賴焉至蘇州府蘇松紳士軍民等獻本處所產土物叩請

聖駕暫留數日

上曰國家之用雖盡出於百姓朕茲南行民間之物秋毫

無擾爾等既各輸誠姑取米一撮果一枚以慰民殷勤來貢之意至朕時巡事畢明日發駕不必勉留臣民復

再三叩請

上命再駐一日至江寧府

親詣

明太祖陵饗殿致祭復至陵前奠酒賜守陵人白金

百兩

閱江寧駐防官兵步射賞江寧鎮江杭州駐防兵丁一月

錢糧至淮安復畧

皇朝文獻通考 卷一百三十六  
三  
閱高家堰隄岸指授方畧

三十年四月

上巡幸多倫諾爾喀爾喀汗台吉等來朝謁受封賞有差  
是歲以喀爾喀土謝圖汗等率所屬數十萬人來  
歸

特往撫綏安輯

諭內大臣等嚴約官兵人衆勿使踐踏麥田至古北口  
閱總兵官蔡元標下官兵至多倫諾爾  
上御行官前黃幄喀爾喀汗台吉等行三跪九叩禮以次

序坐作樂大宴

上親閱喀爾喀營寨察其窮困者賞以銀布又大賚喀爾

喀王貝勒貝子公台吉等牛羊留兵部尚書馬齊

料理會閱事

上回鑾喀爾喀土謝圖汗車臣汗王貝勒貝子公台吉等  
皆依戀不已伏地流涕

諭扈從諸臣曰昔秦興土石之工修築長城我朝施恩於  
喀爾喀使之防備朔方較長城更爲完固矣

三十五年二月

上親征噶爾丹出獨石口駐中拖陵地方撫遠大將軍費

揚古以捷書聞

御慢城行慶賀禮

回鑾至清河設鹵簿

皇太子諸

皇子諸王及在京文武大小官員出郭外五里跪迎

八旗護軍驍騎步軍及近京閑散官員士民工商

耆老男婦夾道捧香跪迎九月

上巡行北塞經理軍務出張家口歷歸化城渡黃河至東

斯垓地方乃班師

三十六年二月

上巡幸寧夏出師征噶爾丹

諭大學士曰自古帝王巡狩凡所過地方前代帝王陵寢

先賢墳墓及名山大川皆行致祭甚盛典也朕今巡行

沿途所經其有古帝王陵寢先賢墳墓名山大川皆詳

察具奏應致祭者祭之

上至寧夏諭川陝督臣曰朕巡幸沿邊地方詢察閭井生

聚及土田沃瘠之狀自晉及秦經行三千餘里直抵寧

夏所以勤求民隱至殷且切朔方資大河之灌注疏渠  
溉田宜於稼穡當茲春氣暢遂正三農盡力南畝之時  
誠恐有司官員不體朕懷因車駕經臨調遣師旅借辭  
供億擾累小民東作有妨西成奚望今一切軍需芻糧  
俱備侍足用至扈從簡約馬悉放牧並不以供辦草豆  
動煩民力爾可傳飭有司勿借端科派違者治罪務使  
地方百姓各安本業屢無廢市隴不輟耕以副朕親歷  
邊圉軫恤民隱之至意

御製牌文曰諭寧夏文武官員兵民人等朕體天育物日

以治安爲念雖身在官庭而心恒周四海頃因指畫軍  
務不憚勤勞遠蒞寧夏無非爲蕩滌寇氛綏乂生靈計  
也緣邊千餘里土壤磽瘠惟寧夏洪流灌輸諸渠環匝  
巡覽所至甚愜朕懷夫農桑者衣食之本積貯者殷阜  
之原爾官吏宜董勸父老子弟三時力田以盡地利比  
屋勤殖以裕蓋藏縱使歲偶不登亦可無憂匱乏若夫  
秦風健勇自昔爲然其在朔方尤勝他郡爾等或職居  
將領或身隸戎行尚各厲精銳以効干城禦侮之用斯  
國家有厚賴焉至於忠信慈惠服官之長軌孝弟齒讓

生人之大經法紀不可不明禮教不可不肅勿以地處邊郵而不治以經術勿以習尚氣力而不澤以詩書總期上率下從庶幾馴臻雅化茲乘輿返蹕距靈朔雖遠而睠念塞垣如在几席爾等誠能敬體朕言將吏協恭兵民咸理生聚日益厚風俗日益淳則疆圉實有攸裨朕心亦用深慰慎勿視爲具文幸朝廷惓惓屬導之意欽哉遂自寧夏出師往白塔駐狼居胥山

駕出行宮親閱八旗鎗手綠旗兵起行至布古圖地方撫遠大將軍費揚古奏報噶爾丹窮蹙飲藥自盡

上率文武官員拜

天畢

御行官行慶賀禮乃班師

三十七年四月

上幸五臺山路經房山

命皇子及大學士至

金太祖

金世宗陵奠酒

三十八年二月

上奉

皇太后南巡前期

諭吏部戶部兵部工部朕撫馭寰區孜孜圖治期於天下咸遂生成物無不得其所今邊烽永靖四方無事獨是黃淮爲患衝決時聞下河地方田廬漂沒朕軫念民艱曩曾屢遣大臣督修不惜數百萬帑金務期早綏黎庶乃歷年已久迄無成功今水勢仍復橫濫浸漫城閭沉沒隴畝以致民多失業董其役者未有上策可以宜民時屢朕懷未嘗少釋在內諸臣咸請朕親臨指示爲一

勞永逸之圖方今春時水勢減少正宜講求疏濬以遂安瀾爰諏吉南巡親加勘閱更以吳地襟帶江湖乃東南輿壤勸俗省耕兼行臨視凡一切往返供億已皆俾辦於京師卽途次日用所需亦令各衙門照本地時值採買總於民間一無所累仍恐沿途官吏藉名科派致累閭閻故特頒諭嚴行申飭如有悖旨假託派索者察實卽以軍法從事其扈從大小官員隨行儻從人等如有橫行生事者一併從重治罪凡經過地方百姓各安生業皆如常時毋得惶遽引避其軍民人等懷挾私怨

皇朝文獻通考 卷一百三十一  
受人指使擅於駐蹕處所輒行告訐者一槩嚴禁不準  
仍照例嚴加治罪爾部卽傳諭通知以副朕體恤惠愛  
至意

駕發京師由水路啟行將抵江南界

御舟先行閱視高家堰歸仁隄等工畢回至清口奉迎

皇太后舟渡河復

臨視黃河隄岸

命截留漕糧二十萬石於被水地方減直發糶渡江白京

口至杭州府傳

諭接駕兵丁速行遣回勿使踐踏麥田

諭各鹽差關差向因軍需煩費於正額外令在差官員以  
所私得贏餘交納充用今思各官孰肯自捐私橐必仍  
行苛取商瘠民困職此之由著將加增銀兩一槩停罷  
至江寧府遣官祭

明太祖陵

躬詣奠酒

諭大學士等令訪求明代後裔授以一官俾世守祀事

回鑾渡黃河

閱視新埽並

閱河標官兵射仍由水路還京

四十年正月

上巡幸塞外

諭大學士等朕聞索岳爾濟山係名勝之山最為高大今

巡幸塞外欲乘便一往視之遂出張家口過上都塔爾

呼必喇歷烏闌布通至喀爾必喇

幸索岳爾濟山

諭大學士等曰此山形勢崇隆允稱名勝嗣後此山禁止

行圍

四十一年正月

上幸五臺山山西百姓詣

行宮前跪奏言晉省饑饉蒙

恩蠲免錢糧又動支倉粟賑濟愚民無以仰報請於菩薩

頂建立

萬壽亭

上不允諸百姓跪獻各種食品命各取菓品少許

上回鑾至大城縣

巡視子牙河諸隄九月

上南巡閱河至德州

回鑾前期

諭吏部戶部兵部工部朕念黃淮兩河爲運道民生所係屢次南巡親臨閱視以疏濬修築之法指授河臣開六壩以束淮敵黃通海口以引黃歸海比歲以來工程次第告竣修防漸有成效昨年冬月河臣張鵬翮曾以河工善後之策及應修之處請朕親閱指示茲當農事之隙減約從員輕裝南下自徐州一路循視堤堰沿途皆

設營幄不御屋廬日用所需悉已儲備經過地方一切供帳宜通行禁止倘有官吏藉名科派累及小民或指稱預辦擅動庫帑察出定嚴加治罪地方大小文武官員託言親舊私相餽遺及隨從人等有妄行生事者俱以軍法從事閭閻百姓各事本業不須引避有懷挾私怨於駐蹕處所告訐者一槩不准仍照律治罪該部卽傳諭通知

駕發京師至德州留駐十數日

諭扈從諸臣曰朕因閱河南巡今以皇太子允初患病朕

駐蹕此地為時已久應卽回鑾明歲再閱視河工也

四十二年正月

上南巡自

暢春園啟行至泰安州登岱遣領侍衛內大臣詣

嶽廟致祭入江南境沿途

周視河防至蘇州府賞賚扈從大臣及侍衛護軍執事人

等白金有差至杭州府遣官閱錢塘江隄至鎮江

府賜京口驛站兵丁銀兩駐江寧府遣大學士馬

齊祭

明太祖陵又

命皇太子往奠酒

回鑾以河工告成

頒詔天下十月

上西巡前期

諭吏部戶部兵部朕統御寰區勤求治理鑾輿時邁省方

觀民春月閱視河工自畿輔山東以及江浙地方皆經

巡幸茲兩河漸已底績所至之地民生風俗亦因以周

知念陝西省為巖疆重地當出師塞外時曾經歷其邊

境而西安一路未及親蒞頃陝西督撫諸臣言秦民望幸之心至殷至切合詞陳奏河南山西巡撫等亦諄切具請乘此冬令農隙之際觀覽民風詢察吏治簡閱禁旅整飭軍營實爲要務用是輕裝約從諏吉西巡沿途一切供御皆內廷儲備纖毫不取辦於地方卽偶有市易之物亦飭所司依時價給值不許錙銖抑勒所過大小官員宜體朕愛民德意勿借詞供億私派問閭如有悖旨科歛者察出卽以軍法從事地方官不許與扈從人員指稱交戚私相餽遺違者並以軍法從事其扈從

人員宜約束僕役勿使妄行如不遵法紀生事擾民一并從重治罪朕視民如子凡乘輿所至市廛隴畝宜各安生理米豆新芻等物民間照常貿易不必禁止惟懷私挾詐衝突告許者所告事不准理仍嚴加治罪爾等卽傳諭扈從官員人等並行各督撫令於經過府州縣城市村莊徧示曉諭俾咸悉朕懷

駕發京師

命給事中御史各一人於扈從後察不法者卽時鎖拏至

太原府

閱官兵騎射復

諭山西撫臣曰朕君臨天下四十餘載無一刻不以蒼生爲念近因西省望幸甚切故於冬時農隙減從輕騎由晉及秦入境以來觀風問俗見民生畧有起色間閭之間俗朴尚儉朕心少慰朕自弱齡讀書往往以不知窮簷僻壤之疾苦爲嘆息所以留心於官方凡有往來者必先諮詢民情豐歉偶有失時定加蠲賑且思晉省不通水運歲或不登卽難籌畫雖有州縣存貯之米穀未必實數具在反益不肖有司之虧空也今歲山西收成

頗佳爾等仰體朕愛民如子之至意曉諭民間若歲豐用奢則荒年必致匱乏教之以禮義導之以守法重農務本藏富於民則朕無西顧之憂矣凡朕所歷之處必大沛恩澤其將四十二年以前山西所屬州縣未完銀兩米草盡行蠲免以示朕加惠黎元之念至洪洞縣遣

官祭

女媧氏陵

駕渡河至潼關遣禮部侍郎祭

西嶽華山賜固原提標迎

駕兵丁二百五十名銀兩又賜接  
駕百歲壽民銀兩至西安府

閱駐防官兵分別賞賚遣官分祭

周漢唐帝王陵寢

諭禮臣曰文王武王皆古之聖君非他帝王可比祭文內  
可書朕名

諭督撫諸臣曰秦省爲天下要地時厯朕懷曩者連歲荒  
旱所司未經奏報朕訪聞得實卽多方籌畫運米拯濟  
蠲賦免逋秦民始得少蘇自康熙二十二年遣皇長子

允禔致祭華山以來雨暘時若年穀豐登閭閻稍有起  
色朕隆冬跋履風霜遠臨茲土見百姓歡迎載道且知  
今歲有秋地方文武大吏更能恪勤奉職滿漢軍士亦  
皆訓練有方朕心甚悅凡巡幸所至必大沛恩膏今將  
陝西甘肅所屬康熙四十二年以前各項積欠銀米草  
豆錢糧盡行蠲免俟四十三年直省咸獲豐稔當將秦  
省四十四年正供亦行免徵該督撫卽通行曉諭俾窮  
鄉僻壤小民均沾實惠至陝州  
命皇子及侍衛等往闕三門底柱

駕由孟津渡河遣官祭

漢光武帝陵

諭河南撫臣曰朕念西土兵民生計乘冬令農隙之時特事西巡返轡京師道由豫省自入潼關見閭鄉以及河南府民生甚艱而懷慶少裕至衛輝府則又艱苦賴薄有秋成尚能餬口倘遇歉歲必至流亡此皆大小官吏互相容隱雖有衰老病廢懶惰退諉之員仍使在任以致貽誤地方河南百姓質朴愚魯輸賦從未稽遲而今歲所欠乃至四十萬兩顯係州縣官聞朕蠲除秦晉積

錢糧希冀恩免於中漁利見今民欠俱免催徵著將河南通省俸工銀兩補足所欠之數如有不完停其陞轉俟完日開復至磁州

賜先賢端木子後裔爲五經博士

御書賢哲遺休匾額命懸先賢端木子墓前

四十四年二月

上南巡前期

諭吏部戶部兵部工部朕屢念民生加意河道屢行親閱一切疏濬修築事宜悉經周詳指畫獲告成功前黃河

皇朝文獻通考 卷一百三十一  
之水往往倒灌清口者皆由仲莊閘與清口相對駱馬  
湖水勢湍急遂逼黃流灌入清口朕視河時躬臨相度  
命河臣移仲莊閘改建於楊家莊出口工竣之後河臣  
報稱黃水暢流入海絕無倒灌清口之患朕尚未經親  
閱今欲特蒞其地察驗形勢用籌善後之規其中河黃  
河運河有應加修防者亦隨宜指示以圖經久至於山  
東省荐饑之民賴兩年來極力賑贍繼以有秋幸皆得  
所其民間生聚果否殷阜並於沿途親行周覽焉乘茲  
仲春解凍減從輕裝循河南下往返皆用舟楫不御室

廬經過地方不得更指稱繕治行官妄事科歛其日用  
所需俱自內廷供御從無纖毫取辦於民前此屢次南  
巡間閭皆所深悉倘有不肖官吏借名預備擅動官帑  
並圖日後加派補償以爲巧取侵漁之地者事覺嚴行  
治罪决不寬宥所在官吏私餽扈從人員及隨行人役  
生事擾民者俱如前旨以軍法從事奸民挾私控訐者  
從重治罪爾部卽通行傳諭

駕發京師於張家灣登舟至山東境紳士軍民數十萬跪

迎奏言山東連年饑歉蒙

故皇全活無不感戴垂

恩截漕散賑蠲免錢糧通省民命始得全活無不感激垂涕

諭山東巡撫曰朕爲兩河告成特來巡閱道經山左見民生自去歲休養之後漸有起色朕心甚慰夾岸黃童白叟歡呼載道感恩叩謝者日有數十萬今仲春之時麥苗未長未致妨農倘回鑿之際正值農忙麥秀恐妨稼穡爾卽曉諭百姓槩免叩謝各務農事可也

駕入江南境士民夾道跪迎奏稱

聖駕屢臨河工指示修築淮黃方畧故能不告成功今後

謀及萬全務期善後不憚跋涉之勞爲民閱視河道亘古未有感

恩叩謝歡聲雷動至蘇州府恭遇

聖誕百姓爭獻食物得

旨朕因閱視河工巡訪風俗而來非爲誕辰也朕一切應用之物俱備自內府所過地方秋毫無犯今爾兆民中心篤至朕已知之卽如朕受之爾等可携去至松江府閱各標官兵射

賜松江兵丁餉銀一月至青浦縣

賜書聖跡遺徽匾額命懸掛孔宅相傳漢時孔氏苗裔避

地至此奉

先聖衣冠葬處也

諭江南督撫曰朕為兩河告成楊家莊新河建閘特來閱  
視爾等同地方士民再四懇請故渡江而南見百姓雖  
不能比戶豐饒幸安居樂業無憔悴之色朕心少慰矣  
編氓皆朕赤子休息培養已數十年民雖至愚亦所深  
悉所以扶老携幼日計數萬隨舟擁道歡聲洋溢者皆  
由中而發非假飾也但人多路隘菜蔬苗麥瀰漫田野

不能保其無損朕甚惜焉爾等卽出示曉諭萬勿踏壞  
田禾有負朕恤民之意至杭州府

閱浙江各標官兵射

賜杭州八旗兵丁餉銀兩月至江寧府遣官祭

明太祖陵

上仍親往率諸皇子及大臣侍衛等行禮自蘇州至江寧  
御試士子者三中選者給白金令赴京錄用有差  
駕至清河復

臨高家堰徧閱河隄仍由水路回京

四十六年正月  
上南巡前期

諭吏部戶部兵部工部朕念淮黃兩河工程爲東南要務  
屢次躬臨河上相度指示一切修防疏濬業已次第奏  
工昨歲河漕督撫諸臣詳勘地形請於溜淮套別開河  
道直達張福口以分淮勢朕欲卽令動帑興築而督撫  
諸臣又以事關創建合詞請朕親閱九卿等集議復再  
三陳請朕以諸臣之言奏聞

皇太后祇遵

慈命擇於本年正月二十二日啟行閱河舟楫往返不御  
室廬日用所需取辦內府經過府州縣毋得更以預備  
行宮供設御用冒侵庫帑科歛閭閻倘有不遵事覺定  
嚴加治罪其文武大小官員私相餽贈隨從人役生事  
擾民及奸惡挾私告訐者俱如屢次諭旨重處不宥爾  
等卽轉行各該督撫通飭所屬張示徧諭俾咸知悉  
御舟至臺莊土民數十萬人進獻食物恭請暫停

御舟少伸瞻仰之忱

上爲之登岸

皇朝文獻通考 卷三百三十六  
御龍亭令耆老近前問以農事生計

諭令停止進獻耆老復叩懇收納

命收食物一二種

上由清口閱視溜淮套詳看形勢

命停止開河渡江至江寧府遣大學士馬齊祭

明太祖陵復

親往行禮

幸演武場閱射

賜扈從大臣侍衛護軍及執事人等金幣有差至蘇州恭

遇

聖誕士民萬餘人集

行宮前進表叩祝

萬壽至松江府

閱提標官兵射至杭州府

閱浙江駐防官兵射

賜扈從大臣侍衛護軍及執事人等緞匹有差

諭江浙督撫曰朕因視河駐蹕淮上江浙兩省官員及地

方官紳士軍民皆環道遠迎懇請臨幸朕勉順羣情涉

皇朝文獻通考 卷二百三十六  
江而南巡省風俗所至郡縣見雨暘應時麥苗蕃殖比  
間樂業可冀盈寧雖山東一路尚未悉覩而江浙田疇  
鬱葱在望深愜朕懷方今二麥垂熟正將刈穫之時一  
切扈從人員皆以次舟行不至蹂踏誠恐百姓沿途迎  
送老稚扶攜動盈千萬越阡度陌不無踐傷朕心甚爲  
軫惜凡所過地方悉令停止迎送且節候漸熱朕舟行  
乘夜迎涼亦未可定民雖遠來無由親見爾等督撫可  
張示徧加曉諭無負朕重農愛民之意

四十九年二月

上幸五臺山

五十七年七月編纂

省方盛典左都御史蔡升元疏言

皇上親閱河隄指示方畧淮黃底定漕運無虞生民永賴  
至於

翠華時巡察吏治訪民俗諮問必周芻蕘必納  
聖德神功洵可爲萬世法恭請編纂

省方盛典一書以光至治禮部議覆應如所奏設局纂修  
從之

皇朝文獻通考卷一百三十六

皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六  
皇朝文獻通考卷一百三十六

皇朝文獻通考卷一百三十七

王禮考 十三

巡幸

乾隆六年七月

上奉

皇太后巡幸避暑山莊

諭曰朕初次行圍所有經過州縣前經屢降諭旨不令

絲毫擾累但安營除道未免有資民力朕心軫念著

將該地方本年應徵額賦蠲免十分之三以昭朕體

恤間閭至意

嗣後巡幸所過地方皆準此例

臣等謹按

山莊之建始於康熙四十二年每歲親到備旨不令

車駕避暑於此至秋則舉大獮之典而藩部以時覲謁焉

皇上繼述

志事於詰戎緩遠之猷遵循罔替自是年始

巡幸塞外校獵木蘭一如

聖祖故事茲謹誌熱河

行幸之初而圍獵之制則別見於

大狩門

十年七月

上奉

皇太后巡幸多倫諾爾

諭曰朕向來巡幸所過地方曾派員嚴查隨從官兵人

等不許蹂躪農田滋擾百姓此次啟行之時正值秋

成在望禾稼尚未登場誠恐約束不嚴以致踐踏禾

黍有妨農務著都統阿蘭泰護軍統領法諸那管理

多派官兵沿途察看嚴加鈐轄其隨從官員兵丁亦

皇朝文獻通考 卷二百三十一  
令將家人跟役自行管束如有不遵禁令傷及田禾者卽行查叅并行令該督提等遴委員弁一體稽查毋得玩忽

十一年九月

上奉

皇太后巡幸五臺山

諭曰朕臨幸五臺觀風問俗蓋欲周知閭閻利病舉登之衽席之安也山西地方風俗向爲淳朴朕此次巡行親見民情頗屬寧輯但敦龐之質在民而教養之

責在上尤當加意拊循化導俾登上理撫臣乃通省之表率藩臬乃師帥之大員府州縣等皆有父母斯民之責其各仰體朕心力行實政教養兼施惟日孜孜罔或怠佚而在小民亦應敦行孝弟崇習禮讓共爲良民毋蹈澆漓獷悍之風以成熙皞盈寧之治朕有厚望焉

回鑾閘滹沱河堤工改慶都縣曰望都

諭曰朕自真定回鑾固城祁水之間有縣焉與堯母同名雖述古之意也觸目踟躕於意弗安其易之仍爲

望都

十三年二月

上奉

皇太后東巡先是十二年六月

諭大學士等朕幼誦簡編心儀

先聖一言一動無不奉

聖訓為法程御極以來覺世隔民式型至道願學之

切如見羹牆辟雍鐘鼓躬親殷薦而未登闕里之堂

觀車服禮器心甚歎焉仰惟

皇祖聖祖仁皇帝巡幸東魯親奠

孔林盛典傳於奕禩

皇考世宗憲皇帝崇聖加封重興廟貌嘗遣朕弟和親王

恭代展祀未以命朕意者其或有待歟朕寅紹丕基

撫茲熙洽思以來春孟月東巡狩因溯洙泗陟杏壇

瞻仰官牆申景行之夙志復奉

聖母皇太后懿旨泰山靈岳坤德資生近在魯邦宜崇報

饗朕不敢違爰遵

慈訓親奉

變輿秩於岱宗用答鴻貺旋蹕青齊觀風布澤以昭崇

聖法

祖教孝省方鉅典所有應行典禮大學士會同該部稽考  
舊章詳悉具議以聞至行在一切所需悉出公帑無  
得指稱供頓儲侍絲毫貽累閭閻羽林衛士內府人  
役等各該管大臣嚴行稽查約束並令扈蹕文武臣  
僚嚴飭儉從無或侵踐田疇致妨宿麥如有騷擾地  
方指名需索者立即叅奏從重治罪通行曉諭知之  
至是年二月

駕發京師至曲阜縣

躬詣

文廟至大成門下輦步入行三跪九叩禮

駕至詩禮堂升座令孔氏後裔講周易中庸一章以  
御前曲柄黃蓋留設

先聖廟庭遣親王致祭崇聖祠大臣分獻四配十哲

禮畢

上詣

少皞金天氏陵

皇朝文獻通考 卷二百三十一  
五  
元聖周公廟致祭復謁

孔林奠酒

賜衍聖公及孔氏子孫十二氏子孫官員恩賚有差至

泰安

上恭詣

岱嶽致祭至濟南府

閱兵

上校射連發皆中復

親詣

舜廟行禮

上回鑾

十五年二月

上奉

皇太后巡五臺山先是十四年十二月

諭曰朕前經降旨於來年秋間巡幸五臺由晉入豫省

覽中州迴蹕畿輔近日嚮導人員回奏稱自太原一

路至河南境由太行山麓甚為崎嶇狹隘朕省方巡

幸惟取便民若因修治道途重煩民力非朕觀風問

俗本意應於春間卽詣五臺至秋間百穀登場後再  
幸中州至是

駕發京師

諭扈從大臣等曰時屆春融正秋麥紐芽之後幸自去  
冬至今瑞雪頻沾膏滋潤漸已青葱入望所有經  
過地方車馬僕從俱著嚴加誡飭毋得踐踏八月

上奉

皇太后巡幸中州

諭大學士等朕時巡中嶽所有直隸河南二省豫備道

路營盤等項俱係案款銷算惟是經過地方不無隨  
時修葺恐致少有拮据著於直隸二省公項錢糧內  
各賞銀一萬兩交與督撫通融辦理以示體恤

駕至河南府

親詣中嶽致祭遣官致祭

河濱

周漢帝王陵寢至開封府

閱兵

諭曰朕舉行秋狩觀岳省方蓋欲周覽民情懋登治理  
凡地方之利弊官吏之賢否與夫政令之得失清蹕  
所至日切疇咨河南地宅土中素稱淳樸今值雨暘  
協應禾稼告登巡行之次親見閭閻望幸童叟歡欣  
而俗尚敦龐室廬寧輯朕懷深為欣慰顧惟因時保  
治之方其權實操之自上撫臣表率通省藩臬任寄  
旬宣以至郡守牧令與民愈親則導民尤切應仰體  
朕心力行善政敦本訓俗除慝安良教養兼施屏虛

文以求實政其在小民亦當敦禮讓務農桑從儉去  
奢力田孝弟以期共享昇平之福朕於該省臣民有  
厚望焉

上回鑾

十六年正月

上奉

皇太后南巡先是十四年十月

諭大學士等江南督撫以該省紳耆士庶望幸心殷合  
詞奏請南巡朕以鉅典攸關特命廷臣集議今經大

皇朝文獻通考 卷一百三十一  
學士九卿等援據經史且仰稽

聖祖仁皇帝六巡江浙謨烈光昭允宜俯從所請朕軫切  
民依省方問俗郊圻近省不憚躬勤鑾輅江左地廣  
人稠素所慮念其官方戎政河務海防與凡閭閻疾  
苦無非事者第程途稍遠十餘年來未遑舉行屢嘗  
敬讀

聖祖實錄備載前後南巡恭侍

皇太后鑾輿羣黎扶老攜幼夾道歡迎交頌

天家孝德心甚慕焉朕巡幸所至悉奉

聖母皇太后游賞江南名勝甲天下誠親掖

安輿眺覽山川之佳秀民物之豐美良足以娛暢

慈懷既詢謀僉同應允從所請但朕將以明年秋幸五臺

經太原歷嵩洛趙魏回鑾已涉冬令南巡之舉當在

辛未年春正我

聖母六旬萬壽之年也將見巷舞衢歌歡騰獻祝稱朕以

天下養之至愛上以廣承

歡之慶下以慰望幸之忱益深嘉悅屆期諏吉以聞嚮導

人員朕酌量先期簡派前往清蹕所至簡約儀衛一

切出自內府無煩有司供億至行營宿頓不過偶一經臨卽暫停亦不踰旬日前歲山左過求華麗多耗物力朕甚弗取曾經降旨申飭明歲晉豫等省以及江南俱不可做做至名山古蹟南省尤多亦祇掃除潔淨足備臨觀而已毋事崇飾倘有頽圯隨宜補葺悉令動用官項但當據實不得任有司浮冒其民間

張燈結綵

聖祖嘗以爲戒載在方冊宜共恪遵其慎勿以華侈相尚所司通行曉諭其一切應行典禮著照所議行十五

年十二月

諭曰明歲恭逢

聖母皇太后萬壽之年朕於新正恭奉

鑾輿巡幸江南浙江省方觀民入疆考績式遵

祖烈慶典斯行東南父老共効嵩呼洵昇平之盛事惟念

江浙二省襟帶江湖程途稍遠自

皇祖聖祖仁皇帝南巡以來異數隆恩昭垂史冊迄今四

十餘年朕俯從望幸之忱倍切勤民之隱前於大學士九卿等議准兩江總督黃廷桂等一摺已降旨諄

皇朝文獻通考 卷一百三十七  
切曉諭又特遣嚮導大臣兆惠努三等前往面傳諭  
旨務從儉約一切供頓絲毫不擾民間凡地方大吏  
職在旬宣自能仰體朕心遵旨辦理但恐地方有司  
奉行不善或窮鄉僻壤未及周知是用再行申諭各  
該督撫及所屬官民人等尚其凜遵前旨共期撙節  
以敦善俗以導淳風如所在行宮與其遠購珍竒雜  
陳玩好不如明窓淨几灑掃潔除足供信宿之適也  
經過地方與其張燈懸綵徒侈美觀不若葺屋茅簷  
桑麻在望足覘盈寧之象也闐闐通衢人烟稠密正

以見懋遷有無之樂不得因道路湫隘俾遷移廛舍  
或致商民失業也朕翠華所至念切民依惟期宣達  
羣情勤求治道上以奉

慈顏之悅豫下以答黎庶之瞻依凡屬虛文浮費槩宜實  
力屏除用光鉅典其扈從滿漢文武大臣官員侍衛  
等皆當奉公守法不得與地方官往來交際潛通餽  
遺兵丁以及隨從人等著該管大臣各嚴加約束經  
行所至不得稍有滋擾春苗遍野無得踐踏違者察  
出從重治罪務令白叟黃童普沾膏澤共樂恬熙副

朕問俗觀風行慶施惠之至意至是年

駕發京師至山東遣官祭

東嶽

先師孔子

元聖周公廟至江南境遣官祭

河瀆

淮瀆

江瀆

駕至淮安

閱高家堰堤工至蘇州府

諭督撫等朕命駕時巡周覽風俗觀民察吏惟日兢兢

三吳尤素所厯念也粵自我

皇祖聖祖仁皇帝巡幸東南先後六舉歷今四十餘年盛

典昭垂衢謠在耳頃者入境以來白髮黃童扶攜恐

後就瞻愛戴誠意可嘉朕已疊沛恩膏廣敷渥澤惟

念大江南北土沃人稠重以百年休養戶口益增習

尚所趨葢藏未裕紛華靡麗之意多而樸誠之風轉

有未逮夫去奢崇實固閭閻生計之常經而因時訓

俗以宣風而布化則官茲土者之責也其尚勵乃實  
心以行實政無忝教養斯民之任凡茲士庶更宜各  
敦本業力屏浮華以節儉留其有餘以勤勞補其不  
足時時思物力之艱難事事惟侈靡之是戒將見康  
阜之盛益臻父老子弟共享昇平之福朕清蹕所至  
有厚望焉至浙江

上躬詣

禹陵致祭遣官祭

南鎮

海神廟

御試浙江進獻詩賦士子中選者三人

特賜內閣中書至江寧府

躬詣

明太祖陵致祭禮畢

諭督撫等併地方官加意毋許樵牧

御試江蘇安徽二省進獻詩賦士子中選者六人

特賜內閣中書過淮安

諭增築城北護城石堤

聖朝文獻通考 卷二百三十一  
三  
閱視黃河南北岸堤埽各工

上回鑿

臣等謹按江浙為東南重地百數十年來休養生

息土沃民稠洪惟

聖祖仁皇帝六巡江浙德意深厚昭茲史冊我

皇上克繩

祖武所其無逸自乾隆十六年以來亦復

翠華六莅

閩澤汪濊以次遞加史不勝書其在乙酉歲以前則皆

恭奉

聖母皇太后問

安視膳凡名勝所在親掖

金根以承

歡豫海內咸頌

天子之孝焉經過地方蠲免額賦有差而省會

駐蹕之區則悉免本年正供留漕艘以平市直免逋租

以省催科清理庶獄自軍流以下咸予曲宥海內

咸頌

一人之仁焉學校所以儲才也增博士弟子之額廣選  
拔貢生之途諸生之進獻詩賦者

親試之其入高等者  
特授以官樂育人才之典古未有也

召見地方官吏問民疾苦察其賢否而黜陟之  
閱視八旗駐防及水陸係營騎射文武員弁咸晉秩一

級有以公事註吏議者令其開復凡以飭官方而  
崇實政也舊臣之子告里居者加銜晉秩

優賜之條

加恩子孫俾列賢書其餘皆

賞資有差八旗駐防及各州縣老民老婦並有

恩賜篤舊優老之典有加而靡已焉

念河渠海塘為東南數省要務

躬親相度審地形之高下量水勢之緩急增築堤防講

求宣導發帑興工費逾鉅萬以為民生籌一勞永

逸之計至於所過名山大川先代陵廟或遣官展

祀或

親詣行禮以將誠敬名臣忠烈皆遣官奠酒懷柔之典

賚雨洽於神人又如此臣等謹按古稱天子所至曰幸  
蔡邕獨斷云車駕所至見令長三老官屬親臨軒  
作樂賜以食帛民爵有級或賜田租故謂之幸惟

我

聖祖仁皇帝垂憲於前

皇上紹述於後

省方展義慶賜遂行歷考百王未有倫比凡在山陬海

賈滋莫不喁喁然望

幸惟殷而三吳之民瞻

雲就

日被

恩尤渥其為欣幸洵有名言之莫罄者矣諸典禮有應

分見者則於他門互見詳之

二十一年二月

上東巡先是三十年六月

諭曰平定準噶爾捷聞以數十年逋寇迅就廓清荒服

收寧中外蒙福迺我國家無疆之床緬維

皇祖聖祖仁皇帝削平三孽於康熙二十三年諏吉

皇朝文獻通考 卷一百三十一  
東巡 聖師孔子廟 四年平三粵 公東遊 二十三年 親祭闕里

武功文德彪炳簡冊朕仰承 先烈集此大勳保泰持盈彌深兢業

先師孔子闕里理應恪循

成憲躬詣行禮用申誠敬且自瞻謁林泉已逾六載仰止

之念時切於懷擬於明歲春月自京起鑾恭謁曲阜

翠華所經亦以體察吏治清問間行慶施惠以稱

朕法

祖尊

師之至意至是年

駕至山東

躬詣

孔廟行釋奠禮畢至

少昊金天氏陵

周公廟致祭復

詣

孔林奠酒遣官祭顏曾思孟專祠

皇朝文獻通考 卷一百三十一

七

上回鑾

二十二年正月

上奉

皇太后南巡先是二十年六月

諭大學士等奏稱江浙士庶望幸情殷請於明歲再舉南巡一摺朕自乾隆十六年巡幸吳越迄今已閱五載該督尹繼善喀爾吉善等均曾具摺奏請朕因西師尚未凱旋未經允准現今膚功迅奏荒服粒寧南省吏治民風時靡予懷而高堰堤工尤數郡生靈攸

關上年告竣以後正當親如察勘前降旨於明歲春月展謁

孔林著允大學士等所請於禮成之後敬奉

聖母皇太后鑾輿順道前往江浙以抒勤民之隱而慰望幸之忱朕省方觀民入境考績惟期勤求實政宣達羣情一切供頓皆出內府絲毫不以擾民地方官毋得指名儲備令衆商捐輸及扣各屬養廉察出定行嚴加究處前者巡南省時屢飭各督撫務從簡樸而所至尚覺過於華飾喧溷耳目此次行宮及名勝憩

皇朝文獻通考 卷一百三十一  
游之地悉仍舊觀但取灑掃潔除毋得增一椽一瓦  
毋陳設玩器城市經途毋張燈演劇踵事增華巡覽  
所及各督撫等果能綏輯井疆康乂蒸庶俾人敦禮  
讓俗慶豐寧朕自深爲嘉悅若其徒事華靡致飾觀  
美耗有用之財侈無益之費適以自滋咎戾甚無取  
焉各督撫及所屬官民人等尚其善體朕心以副朕  
觀風問俗行慶施惠之至意二十一年九月

諭曰昨歲江浙督撫等據土民呈詞籲請南巡朕已降  
旨俞允後因江蘇所屬偶被災稔地方各官皆有應

辦賑務朕恐伊等因除道清塵之役轉於民事稍有  
妨誤則殊非朕眷顧羣黎之本意復經特諭停止今  
據兩江浙省督撫諸臣合詞奏稱西成有慶臣民望  
幸實深請以明歲再舉巡幸之典南省民風吏治時  
厯朕懷茲當歲美人和之候省方觀民入疆考績正  
可抒朕勤民之隱而高堰堤工告竣後亦當親加察  
看著允該督等所請於明春時巡至於一切供帳頓  
次絲毫不以累民地方官承辦差務寧樸勿華從前  
所降諭旨甚明該督撫等其善體朕心以副朕觀風

問俗加惠斯民之至意至是

車駕發京師至山東遣官祭

東嶽

先師孔子闕里

元聖周公廟至江南境遣官祭

河濱

淮濱

江濱

駕渡河

閱視河防至杭州遣官祭

禹陵

南鎮

海神廟

閱兵

御試浙江進獻詩賦士子中選者四人

特賜內閣中書至江寧府

親詣

明太祖陵奠酒仍遣官致祭

閱兵

御試江蘇安徽進獻詩賦士子中選者七人

特賜內閣中書

回鑾復閱洪澤湖堤工至徐州

閱黃河形勢指授方畧至山東曲阜縣

親詣

先師孔子廟行禮復

詣

孔林奠酒至泰安

詣

岱廟行禮

上回鑾

二十六年三月

上奉

皇太后巡幸五臺山先是二十五年八月

諭曰明年恭逢

皇太后七旬萬壽欽奉

懿旨五臺顯通寺為文殊師利道場梵宇琳宮夙昭靈應

陵成禮後順道前詣拈香欽此所有應行各事宜著該衙門及地方有司照例敬謹預備至是年

上奉 巡幸五臺山 六月二十三日

皇太后謁

泰陵禮成取道幸五臺山

諭曰從前兩次巡幸五臺帳殿周廬隨常頓宿今春恭

奉

皇太后前詣臺山巡幸該撫於菩薩頂側建蓋行宮並於

臺麓寺旁添設坐起數楹以備安憩雖臣子之誼各盡其誠而詢其工料所費乃出自伊等養廉夫朕既不許派累百姓而各官養廉原為辦理公務及薪水之資今以之捐建行宮則甚不可著於存公項內撥賞銀二萬兩以供鳩工飭材之用

二十七年正月

上奉

皇太后南巡先是二十三年九月

諭曰兩江總督尹繼善等以河工告竣年歲豐收臣黎

望幸情殷請以庚辰之歲載舉南巡令典合詞具奏  
朕惟東南河道民生時繁宵旰前者翠華再莅每切  
咨詢不敢自逸茲當大工旣蒞澤國安瀾於焉攬轡  
觀風上以慰曩時往來指畫之勤下以考在事大臣  
宣化承流之績理亦宜之顧各督撫等前後奏報工  
程披章如睹而嵒璜裘日修等又以親承訓示甫經  
復命回京條晰敷陳情形頗悉乃者大江南北年穀  
順成民氣和樂封函疊至仰見

上蒼福佑額手爲南黎稱慶此意與封疆諸大吏共之猶

念積潦初除汗蒸日闢正宜乘時勸諭俾瘠土並化  
膏腴以培元氣已降旨各督撫勘明濱河地畝有秋  
穫雖登而小民牛犁籽種不能接濟致曠土尚有未  
耕者並予格外加恩官爲借給使得資東作而厚西  
成其果盈寧之象與歲俱增則機杼倉箱熙恬滿目  
其足以佐時巡風景者不更多耶且明歲車駕臨幸  
索約爾濟又再定伊犁後若左右哈薩克東西布魯  
特及回部各城以次平定歸降不無覲謁宴賚之典  
車馬之煩所當少恤且歲屆辛巳卽恭逢

聖母皇太后七旬大壽普天同慶如於此年敬奉

安輿重臨江浙庶幾省方問俗嘉地利之畢登喜民生之

益懋於以仰悅

慈懷壽祺康豫當推

恩錫福俯慰元元望幸之忱俟臨期另行降旨所有庚辰

年南巡之奏暫停舉行毋庸具摺固請先將此通行

曉諭知之二十五年八月

諭大學士等獻歲恭逢

皇太后七旬萬壽擬於新正敬奉

安輿時巡南服俯慰士民禹祝之忱并順道閱視徐州石

堤及海寧塘工今歲大江以南在在豐收惟夏間雨

水稍多河湖盛長高寶興泰一帶低窪處所頗有漫

溢恐地方有司承辦南巡差務轉於賑恤事宜不能

盡心經理是以諭令該督將實在情形確查具奏今

據奏到高寶等處被水較重該處既現已成災亟宜

以賑務爲切要所有南巡應辦差務暫行停撤改於

壬午春敬奉

慈輦以慰輿情仍可攬民風而昭盛美大差既經停止自

可專心辦理賑務該督等務宜仰體朕懷董率僚屬  
確察災地情形實力妥辦勿使窮黎稍有失所以副  
朕痾瘝在抱之意至是

車駕發京師至山東遣官祭

東嶽

先師孔子闕里

元聖周公廟至江南境遣官祭

河瀆

淮瀆

江瀆

駕渡黃河

閱清口東壩木龍

登舟巡歷河堤過揚州渡江

閱水操

諭曰向來巡幸所至地方大吏豫備燈船烟火頗覺繁  
俗頃在揚州適以哈薩克陪臣入覲聊示民情和樂  
之意是以聽其豫備倘蘇杭等處悉仿而行之原屬  
不必朕省方觀民勤求治理卽以幾暇適情則山水

名勝儘足以供吟眺之資又何事徒滋繁費為耶自

蘇州至海寧其野尚尚蕪蕪於善與惡而亦不無風

閱海塘五堤之數以合道京部司入陳陳示其詳味樂

御製觀海塘誌事詩示督撫諸臣至杭州遣官祭

禹陵

閱兵巡閱所畏國界州縣五

御試進獻詩賦士子中選者四人

特賜內閣中書還至江寧府

親祭

明太祖陵

閱兵

御試江蘇安徽二省進獻詩賦士子中選者八人

特賜內閣中書

諭督撫等朕車駕所經惟橋梁道路葺繕掃除為地方

有司所宜修補其絲亭燈棚一切飾觀文具屢經降

旨斥禁今江浙兩省塗巷尚有踵事因仍者此在蘇

揚鹽布商人等出其餘資偶一點綴本地工匠貧民

得資力作以沾微潤所謂分有餘以補不足其事尚

屬可行若地方官專欲仿而效之以為增華角勝則甚非奉職之道嗣後督撫等其實力禁止一切屏去浮靡以崇實政如有仍蹈故習者將准該督撫是問

駕至淮安

閱高家堰

命增築堤工五百餘丈

上命莊親王允祿等恭奉

皇太后由水程回鑾

上登陸閱視埽工至徐州府

閱黃河岸新堤遣官祭

河神廟至鄒縣

上詣孟子廟拈香至曲阜縣

詣

文廟行禮遂

詣

孔林酌酒至泰安府

詣

岱宗行禮

上回鑾

翰林院

文獻通考

皇朝文獻通考

皇朝文獻通考卷一百三十七



